



## Aelodaeth QAA ar gyfer Darparwyr Addysg Uwch yng Nghymru

### Cytundeb Aelodaeth

#### Ein hymrwymiad i chi

Mae Aelodaeth QAA yn cadarnhau ein hymrwymiad parhaus i weithio gyda chi i ddarparu ystod o wasanaethau ymatebol wedi'u teilwra sy'n diwallu anghenion penodol addysg uwch yng Nghymru.

Mae aelodaeth yn adlewyrchu'n llawn natur y gwaith partneriaeth cydweithredol sy'n cael ei ddatblygu yng Nghymru. Mae aelodau'n llywio'r gwaith a wnawn – drwy sefydliad Prifysgolion Cymru, Colegau Cymru, grwpiau sector fel Rhwydwaith Ansawdd Cymru, a thrafodaethau rheolaidd gyda CCAUC a rhanddeiliaid eraill. Bob blwyddyn byddwn yn ceisio cynllunio gweithgareddau i ddiwallu'r blaenoriaethau penodol yr ydych chi, fel aelodau, yn eu nodi sydd bwysicaf i chi.

Fel aelodau o QAA, bydd holl staff a myfyrwyr ym mhob darparydd addysg uwch yng Nghymru sy'n aelod yn parhau i gael mynediad at ein holl adnoddau. Pan fyddwch yn cofrestru fel defnyddiwr gwasanaethau Aelodaeth QAA, byddwn yn cysylltu â chi drwy e-bost i roi'r wybodaeth ddiweddaraf i chi am newyddion QAA a diweddariadau ar gyfer yr aelodaeth am ddigwyddiadau a gweithgareddau. Mae gennym hawl gyfreithlon i wneud hynny, fel yr amlinellir yn [Hysbysiad Preifatrwydd](#) QAA. Os nad ydych am dderbyn y cyfathrebiadau hyn, gallwch hysbysu ein hadran aelodaeth: [membership@qaa.ac.uk](mailto:membership@qaa.ac.uk) Gallwch hefyd ddefnyddio'r botwm dad-danysgrifio i roi'r gorau i dderbyn unrhyw gyfathrebiadau e-bost.

Nid oes unrhyw gyfyngiadau ar yr hyn y gall aelodau yng Nghymru gael mynediad iddo - mae'n cynnwys yr holl adnoddau a gwmpesir gan Aelodaeth QAA a phecyn *International Insights*.

#### Ein haelodau yng Nghymru

Mae pob darparydd addysg uwch a reoleiddir yng Nghymru yn aelodau. Mae'r Brifysgol Agored yn aelod ar draws y DU o QAA ac mae hefyd yn cael mynediad at weithgareddau ac adnoddau aelodaeth yn y gwledydd datganoledig. Gall darparwyr nad ydynt yn cael eu rheoleiddio sy'n darparu addysg uwch hefyd fod yn aelodau o QAA.

#### Meini prawf ar gyfer aelodaeth

Os ydych am gael mynediad at fuddion Aelodaeth QAA, mae angen i chi fod:

- 1 yn endid cyfreithiol sydd wedi'i gofrestru neu ei sefydlu yn y DU; ac
- 2 yn darparu cymwysterau'r DU a gydnabyddir naill ai:

3

- a) ar Lefel 4 ac uwch o *Fframwaith ar gyfer Cymwysterau Uwch Cyrff Dyfarnu Graddau yng Nghymru, Lloegr a Gogledd Iwerddon* (FHEQ); neu
- b) ar Lefel 7 ac uwch o *Fframwaith Credydau a Chymwysterau'r Alban* (SCQF);

ac

4 yn amodol ar un o'r canlynol:

- a) adolygiad gan QAA; neu'r
- b) trefniadau ansawdd neu reoleiddiol sy'n berthnasol i addysg uwch yn un o wledydd y DU; neu
- c) oruchwyliaeth (er enghraifft, drwy bartneriaeth gydweithredol ffurfiol) darparrydd sydd ei hun yn destun y trefniadau ansawdd neu reoleiddiol sy'n berthnasol i sefydliadau addysg uwch yn un o wledydd y DU.

## **Ffioedd aelodaeth**

Mae'r flwyddyn aelodaeth yn rhedeg o 1<sup>af</sup> Awst i 31<sup>ain</sup> Gorffennaf a chaiff anfonebau eu hanfon ym mis Mehefin a mis Gorffennaf. Gall mynediad i adnoddau QAA gael ei gyfyngu os na chaiff anfonebau eu talu o fewn 30 diwrnod.

Byddwn yn adolygu prisiau aelodaeth yn flynyddol ac yn cyfathrebu unrhyw newidiadau cyn diwedd y flwyddyn aelodaeth.

Bydd aelodaeth yn dod i ben yn awtomatig os na thelir anfoneb o fewn 30 diwrnod, neu os bydd unrhyw newid sy'n effeithio ar allu'r aelod i fodloni'r meini prawf cymhwyster.

Nid yw aelodaeth yn drosglwyddadwy ac ni ellir ei had-dalu. Pan fydd dau neu fwy o Aelodau QAA yn uno, bydd cymhwysedd ar gyfer aelodaeth o'r darparrydd newydd, cyfun yn cael ei ystyried a'i gadarnhau gan QAA.

Mae aelodaeth yng Nghymru'n parhau i gynnwys nifer penodedig o leoedd ar gyfer staff a myfyrwyr mewn digwyddiadau a gynlluniwyd er mwyn aelodau yng Nghymru. Mae aelodaeth y DU gyfan yn cynnwys lleoedd yng Nghynhadledd Flynyddol QAA ynghyd ag amrywiaeth o adnoddau'r DU gyfan y gellir eu cyrchu trwy wefan Adnoddau'r Aelodaeth ar-lein. Mae gweminarau ychwanegol sy'n mynd i'r afael â materion ledled y DU, yn ogystal â chyfleoedd i gydweithio ledled y DU, hefyd wedi'u cynnwys.

## **Adnoddau sydd ar gael yn gyhoeddus ac adnoddau aelodaeth**

Bydd QAA yn parhau i gyhoeddi'r holl ddeunyddiau rheoleiddio ar wefan QAA yn unol â'r trefniadau rheoleiddio perthnasol ym mhob gwlad. Mae hyn yn cynnwys y fframweithiau cymwysterau cenedlaethol a Chôd Ansawdd Addysg Uwch y DU. Bydd fersiynau cyfredol o gyfeirbwyntiau eraill (Datganiadau Nodweddion, Datganiadau Meincnod Pwnc a Chyngor ac Arweiniad ar y Côt Ansawdd) yn parhau i gael eu cyhoeddi ar wefan QAA a byddant ar gael i'r cyhoedd.

Mae'n bosibl y bydd fersiynau yn y dyfodol a diweddariadau o'r cyfeirbwyntiau a ddatblygwyd gan QAA ar y cyd â'r gymuned sy'n aelodau ar gael i aelodau'n unig. Bydd unrhyw gyfyngiadau'n cael eu penderfynu gyda'n haelodau.

Bydd adnoddau a ariennir yn uniongyrchol gan CCAUC drwy drefniadau grant ar gael i'r cyhoedd.

Bydd ystod eang o gyhoeddiadau eraill QAA yn parhau i gynnwys dim ond penawdau neu grynodedau ar ein gwefannau cyhoeddus, gyda'r wybodaeth lawn ar gael yn arbennig i'n haelodau, y gellir ei chyrru drwy wefan Adnoddau'r Aelodaeth.

## Trosolwg o egwyddorion aelodaeth

Pan fyddwch yn prynu Aelodaeth QAA, rydych yn buddsoddi yn ansawdd profiad academiaidd eich myfyrwyr. Gall y manteision a gewch o'ch Aelodaeth QAA gael eu cyrru gan bawb yn eich sefydliad. Bydd rhai deunyddiau at ddefnydd Aelodau QAA yn unig, a gyrchir drwy ein [safle Adnoddau'r Aelodaeth](#).

Bydd gan bob aelod o staff a myfyrwr o fewn sefydliad sy'n aelod fynediad i Aelodaeth Adnoddau

Mae Aelodaeth QAA yn dangos ymrwymiad i ansawdd, ac i gynnal hyder y cyhoedd yn addysg uwch y DU Mae'r ymrwymiad hwn yn seiliedig ar ddisgwyliad o ymddygiad da a phroffesiynoldeb. Gellir atal neu derfynu aelodaeth os:

- yw aelod yn ymddwyn mewn ffordd sy'n dwyn anfri arno'i hun neu ar y sector addysg uwch neu QAA
- canfyddir bod aelod wedi torri unrhyw amod, safon neu ofyniad rheoliadol
- yw aelod yn torri'r egwyddorion aelodaeth hyn.

Gellir dod i hyd i'r [telerau ac amodau](#) llawn ar gyfer y ddarpariaeth o wasanaethau aelodaeth ar ein gwefan.

## Mae aelodaeth yn cynnwys ein partneriaid

Mae cyllidwyr a rhanddeiliaid allweddol yn bartneriaid aelodaeth gan gynnwys CCAUC, Prifysgolion Cymru, Colegau Cymru, Y Coleg Cymraeg Cenedlaethol, UCM Cymru, Estyn ac *Advance HE* yng Nghymru, ynghyd â'r Gyfarwyddiaeth Sgiliau, Addysg Uwch a Dysgu Gydol Oes o fewn Llywodraeth Cymru.

Cyhoeddwyd - Mehefin 2023

© Yr Asiantaeth Sicrhau Ansawdd ar gyfer Addysg Uwch 2023  
Rhifau elusen cofrestredig 1062746 a SC037786

[www.qaa.ac.uk](http://www.qaa.ac.uk)